

Arkiv: <arkivID><jplD> FA-M41
JournalpostID:
Sakshandsamar:
Dato: 25.05.2021

Saksframlegg

Saksnr.	Utval	Møtedato
058/21	Utval for næringutvikling og drift	09.06.2021
064/21	Alver formannskap	10.06.2021
	Alver kommunestyre	

KNARA – Hovudreinseanlegg Knarvik

Rådmannen sitt framlegg til vedtak:

Kommunestyret vedtek at Alternativ 2 Kvassneset som lokalisering, ligg til grunn for vidare planlegging av nytt hovudreinseanlegg i Knarvik.

Utval for næringutvikling og drift 09.06.2021:

Handsaming:

Utvalsleiar Stian Lavik-KRF sette fram følgjande framlegg:

Utvalet tar saka til orientering.

Tormod Skurtveit-AP sette fram følgjande framlegg:

Utvalet tar saka til orientering.

Utvalet meiner at løysinga med fleire mindre anlegg bør utgreiast i rapporten, slik at ein har eit reelt samanlikningsgrunnlag.

Stian Lavik trekte framlegget sitt.

Tormod Skurtveit sitt framlegg vart sett opp mot rådmannen sitt framlegg i avrøystinga.

Skurtveit sitt framlegg fekk 7 røyster og vart samrøystes vedteke.

ND- 058/21 Vedtak:

Utval for næringsutvikling og drift kjem med følgjande uttale i saka:

Utvalet tar saka til orientering.

Utvalet meiner at løysinga med fleire mindre anlegg bør utgreiast i rapporten, slik at ein har eit reelt samanlikningsgrunnlag.

Alver formannskap 10.06.2021:

Handsaming:

Framlegg frå KRF, SP, H og SP ved A.Byrknes-KRF:

Formannskapet tek ikkje stilling til lokalitet for Hovudreinseanlegg i Alver kommune no.

Formannskapet ber om at det i saka blir belyst lokaliteter og kostnad med fleire mindre anlegg

Formannskapet ber om at det vert utgreia fleire lokaliteter for reinseanlegg utanfor Knarvik

På bakgrunn av desse punkta utset formannskapet saka og ber rådmannen kome attende med oppdatert saksutgreiing.

Framlegget vart samrøystes vedteke.

FO- 064/21 Vedtak:

Formannskapet tek ikkje stilling til lokalitet for Hovudreinseanlegg i Alver kommune no.
Formannskapet ber om at det i saka blir belyst lokaliteter og kostnad med fleire mindre anlegg
Formannskapet ber om at det vert utgreia fleire lokaliteter for reinseanlegg utanfor Knarvik
På bakgrunn av desse punkta utset formannskapet saka og ber rådmannen kome attende med oppdatert saksutgreiing.

Politisk handsaming

Saka skal til uttale i utval for næringsutvikling og drift
Saka skal til innstilling i formannskapet
Saka skal avgjerast i kommunestyret

Bakgrunn

Saka om nytt hovudavlaupsreinseanlegg for Knarvikområdet har ei lang forhistorie i Lindås kommune og administrasjonen la fram ei orientering om etablering av eit slikt anlegg på ulike areal ved Kvassneset i sak FO-099/20 hausten 2020. I den vidare prosessen gjorde formannskapet mellom anna følgjande vedtak i sak FO-099/20. Meldingar og orienteringar, i møte 15.10.20:

«Formannskapet ønskjer å sjå på alternativ til kloakkreinseanlegget på kvassneset.

...»

Kommunestyresak 117/20 den 29.10.20. Godkjenning av temaplan for vatn og avlaup 2021-2022.

Kommunestyre gjorde følgjande vedtak på bakgrunn av innstilling frå utval for næringsutvikling og drift:

« Kommunestyre godkjenner temaplan for vatn og avlaup for perioden 2021 – 2022, med unntak av kapittel 4.3.1 «Nytt avlaupsreinseanlegg på Kvassneset» og andre avsnitt og kommentarar i planframlegget som omhandlar dette. Pågåande planar for dette avlaupsreinseanlegget må stansast. Kommunestyret ønskjer ein god og grundig prosess når ein skal byggje eit slikt anlegg og ønskjer at fleire lokasjonar for reineseanlegg må utredast og kartleggjast, og at det må utarbeidast ei eiga konsekvensutgreiing, mellom anna med tanke på støy og luktproblematikk. Det økonomiske grunnlaget må også grundig vurderast då dette er eit anlegg som vert finansiert etter sjølvkostprinsippet, og det er abonnentane som vert belasta med gebyr. Kommunestyret meiner at eit så stort prosjekt må få sin eigen detaljplan og handsamast som eiga sak.

Temaplanane samanstillar og vidarefører tilsvarande planar godkjent kvar for seg av dei tidlegare kommunestyra, og erstattar desse.

Årlege handlingsplanar med prioritering av tiltak skal følgje rammene i vedtatt årsbudsjett..»

Administrasjonen har no gjort ei vurdering som vert utgreidd i denne saka.

Saksopplysningar:

Administrasjonen har hatt vidare dialog med Statsforvaltaren som er ureiningsmynde i denne saka. Vidare er det føreteke synfaringar og ein har hatt dialog med kommunar som nyleg har hatt ein prosess med nytt hovudavlaupsanlegg, slik som Alver no er inne i.

Med dette som grunnlag har administrasjonen engasjert konsulentfirmaet Norconsult i Bergen, som har gått gjennom informasjonen i saka og vidare utgreidd aktuelle løysingar for Knarvikområdet.

Utgreiinga kjem fram i rapport: KNARA- Hovudreinseanlegg Knarvik, alternativsvurdering lokalisering, datert 03.06.21. Denne rapporten samt to kartvedlegg ligg ved saka.

Vurdering:

Administrasjonen ynskjer i denne saka å leggje fram alternative lokaliseringar for eit nytt reinseanlegg for Knarvik området. Vurderingar som er lagt til grunn er tekniske løysingar, framdrift, økonomi, regulering av område samt gebyrutvikling. Det er vurdert både daganlegg og fjellanlegg. Vidare har ein henta informasjon og erfaringar frå andre kommunar som nyleg har bygd reinseanlegg.

Vurdering av lokasjonar:

		Kriterier				Kommentar
	Lokalisering	Utsleppsstad/ resipienttilhøve	Gjeldande planar/planar i arbeid	Nærleik til knutepunkt og hovudleidningar	Mogleg framdrift	
a)	Ovanfor tidlegare ferjeleie	Osterfjorden				For liten overdekning av fjell
b)	Hagelsundet, sør for brufeste	Osterfjorden				Sjå rapport kap. 4
c)	Kvassneset	Osterfjorden				Sjå rapport kap. 4
d)	Langheiane	Osterfjorden				KDP E39, bandlegging av område i fjell
e)	Gjerdvik	Osterfjorden v/Gjerdvik				KDP E39, bandlegging av område
f)	Galteåsen	Kvernafjorden				Grunna resipient
g)	Gangstø, v/Hillandsvatnet	Radfjorden				Grunna resipient

Grøn	God
Gul	Middels
Raud	Dårleg

Etter i vurdering av sju ulike lokaliseringar, kom ein fram til at alt. 1: Hagelsundet og alt. 2: Kvassneset vart vidare utgreia. Etter ei kostnadsoppstilling er alt. 2 Kvassneset, 160 mill. kr rimelegare enn alt. 1: Hagelsundet. Det er også sett opp ei utvikling av avlaupsgebyr i perioden 2020-2030 for desse to alternativa.

Den økonomiske skilnaden i alternativa, samt tilråding frå andre kommunar, tilseier at plassering ved Kvassneset (alternativ 2) vert tilrådd.

Føremoner og ulemper for alternativa kjem elles fram i utgreiinga.

Vedlegg i saken:

04.06.2021	KNARA -Alternativsvurdering_lokalisering	1568175
04.06.2021	Vedlegg 1 - 5151930.001_Oversikt alternative lokaliseringer	1568176
04.06.2021	Vedlegg 2 - Oversiktskart_Tettbebyggelse_Alver kommune sør	1568177